



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Trg pravde 10, 76100 Brčko distrikt Bosne i Hercegovine; tel: 049/217-955; faks: 049/235-070; e-pošta: pkbd@pkbd.ba
Broj: SuPK-00-997/26-I
Brčko, 7. 8. 2026. godine

Zapisnik
sa 282. redovne sjednice Pravosudne komisije Brčko distrikta BiH
održane 7. 8. 2026. godine u 08.30 sati, sa sljedećim

D n e v n i m r e d o m

1. Usvajanje zapisnika sa 281. redovne sjednice Pravosudne komisije Brčko distrikta BiH;
2. Razmatranje i usvajanje Izvještaja o radu Pravosudne komisije Brčko distrikta BiH za period od 1. 1. 2026 - 30. 6. 2026. godine;
(izvjestilac: Safet Pizović)
3. Razmatranje i usvajanje Izvještaja o radu Kancelarije za pravnu pomoć Brčko distrikta BiH za period od 1. 1. 2026 - 30. 6. 2026. godine;
(izvjestilac: Safet Pizović)
4. Verifikacija Akcionog plana za otklanjanje nedostataka po Izvještaju o reviziji finansijskog poslovanja pravosuđa Brčko distrikta BiH za period od 1. 1 - 31. 12. 2025. godine;
(izvjestilac: Rade Mitrović)
5. Usvajanje Smjernica za notare za primjenu pristupa zasnovanog na riziku u sprečavanju pranja novca i finansiranja terorističkih aktivnosti;
(izvjestilac: Rade Mitrović)
6. Utvrđivanje ažurirane liste reciprociteta za sticanje prava vlasništva na nekretninama na teritoriji Brčko distrikta BiH;
(izvjestilac: Rade Mitrović)
7. Donošenje odluke o raspisivanju javnog konkursa za izbor policijskih službenika iz drugog policijskog organa u Bosni i Hercegovini radi zapošljavanja u Sudskoj policiji Brčko distrikta BiH;
(izvjestilac: Rade Mitrović)
8. Donošenje odluke o raspisivanju javnog poziva za prijem volontera u pravosudne institucije Brčko distrikta BiH;
(izvjestilac: Rade Mitrović)
9. Verifikacija rješenja o prestanku radnog odnosa Miloradu Petroviću, sudskom policajcu u Sudskoj policiji Brčko distrikta BiH;
(izvjestilac: Rade Mitrović)
10. Verifikacija rješenja o prestanku radnog odnosa Ademu Peljti, sudskom policajcu u Sudskoj policiji Brčko distrikta BiH;
(izvjestilac: Rade Mitrović)
11. Rang lista sa preporukom za izbor referenta-operatera-asistenta u Osnovnom sudu Brčko distrikta BiH, na neodređeno vrijeme;
(izvjestilac: Rade Mitrović)

12. Rang lista sa preporukom za izbor operatera-referenta zemljišno-knjižnih poslova u Osnovnom sudu Brčko distrikta BiH, na neodređeno vrijeme;
(izvjestilac: Rade Mitrović)
13. Rang lista sa preporukom za izbor pripravnika u Osnovnom sudu Brčko distrikta BiH, na određeno vrijeme;
(izvjestilac: Rade Mitrović)
14. Donošenje odluke o raspisivanju Javnog konkursa za popunjavanje upražnjenih radnih mjesta u pravosuđu Brčko distrikta BiH;
(izvjestilac: Rade Mitrović)
15. Donošenje odluke o isplati naknade Disciplinskoj komisiji i zapisničaru za rad u mjesecu junu i julu 2026. godine;
(izvjestilac: Rade Mitrović)
16. Zahtjev za postizanje sporazuma o postojanju štete te vrsti i visini naknade štete E. S;
(izvjestilac: Rade Mitrović)
17. Donošenje rješenja o imenovanju Eldina Fazlovića za povjerenika osuđenom Š. F. i rješenja o raspoređivanju osuđenog Š. F. na radno mjesto „Asistent u logističko operativnim i humanitarno socijalnim aktivnostima“ u Crvenom krstu Brčko distrikta BiH;
(izvjestilac: Rade Mitrović)
18. Verifikacija akta Pravosudne komisije Brčko distrikta BiH, broj: SuPK-00-836/26-I od 27. 7. 2026. godine, kojim se daje saglasnosti na nacrt Smjernica za provedbu ciljanih finansijskih sankcija Vijeća bezbjednosti Ujedinjenih nacija povezanih sa finansiranjem terorizma i finansiranjem širenja oružja za masovno uništenje Ministarstva bezbjednosti Bosne i Hercegovine;
(izvjestilac: Rade Mitrović)
19. Razno.

PRISUTNI SU:

1. SAFET PIZOVIĆ, predsjednik Pravosudne komisije Brčko distrikta BiH;
2. MIRSAD ĆEMAN, predsjednik Ustavnog suda BiH, putem audio linka;
3. DRAGAN TOMAŠ, predsjednik Osnovnog suda Brčko distrikta BiH;
4. VLADIMIR TEPAVČEVIĆ, v.d. glavnog tužioca Tužilaštva Brčko distrikta BiH, putem audio linka;
5. MILIVOJE VASIĆ, član Komisije iz reda građana;
6. IVAN LOVRIĆ, član Komisije iz reda građana.

Sjednica je počela u 08.30 sati.

Konstatuje se da sjednici prisustvuje šest članova, te da Mirsad Ćeman, predsjednik Ustavnog suda BiH i Vladimir Tepavčević, v.d. glavnog tužioca Tužilaštva Brčko distrikta BiH, sjednici prisustvuju putem audio linka. Damjan Kaurinović, predsjednik Apelacionog suda Brčko distrikta BiH, Dejan Đurović, pravobranilac Pravobranilaštva Brčko distrikta BiH i Mehmed Bečić, član Komisije iz reda građana, opravdano su odsutni.

Sjednici prisustvuje i sekretar Pravosudne komisije, Rade Mitrović.

Predsjednik Komisije otvara 282. redovnu sjednicu Pravosudne komisije Brčko distrikta BiH s predloženim dnevnim redom, te predlaže da se dnevni red dopuni sa šest novih tačaka na način da se poslije dosadašnje tačke 6, doda nova tačka: „Verifikacija Trogodišnjeg plana rada pravosuđa Brčko distrikta BiH za period 2027-2029, broj: SuPK-03-368/26-V od 29. 7.

2026. godine“, potom tačka: „Donošenje odluke o poništenju javnog konkursa za izbor policijskih službenika iz drugog policijskog organa u Bosni i Hercegovini radi zapošljavanja u Sudskoj policiji Brčko distrikta BiH, broj: SuPK-01-611/26-I od 8. 5. 2026. godine“, iza dosadašnje tačke 10, doda nova tačka: „Donošenje rješenja o prestanku radnog odnosa na određeno vrijeme Jeleni Milovanović, zbog isteka vremena od dvije godine“, potom tačka „Donošenje odluke o imenovanju stručnog saradnika za poslove upravljanja privremeno oduzetom imovinom u Pravosudnoj komisiji Brčko distrikta BiH, na određeno vrijeme“, potom: „Donošenje odluke o imenovanju stručnog saradnika u Pravobranilaštvu Brčko distrikta BiH, na neodređeno vrijeme“, te u konačnom, iza dosadašnje tačke 18 dodaje sljedeća tačka: „Razmatranje molbe za pomilovanje osuđenog R. S“.

Postojeća tačka 19 „Razno“, postaje tačka 25 „Razno“.

Na prijedlog predsjednika, Komisija je jednoglasno usvojila predloženi i dopunjeni dnevni red. Prelazi se na prvu tačku dnevnog reda.

1. Usvajanje zapisnika sa 281. redovne sjednice Pravosudne komisije Brčko distrikta BiH;

Konstatuje se da je Komisija jednoglasno usvojila zapisnik sa 281. redovne sjednice Pravosudne komisije Brčko distrikta BiH.

2. Razmatranje i usvajanje Izvještaja o radu Pravosudne komisije Brčko distrikta BiH za period od 1. 1. 2026 - 30. 6. 2026. godine;

Predsjednik Pravosudne komisije Brčko distrikta BiH, g. Safet Pizović obrazložio je ukratko Izvještaj o radu Pravosudne komisije Brčko distrikta BiH za period od 1. 1. 2026 - 30. 6. 2026. godine.

Konstatuje se da je Komisija jednoglasno usvojila Izvještaj o radu Pravosudne komisije Brčko distrikta BiH za period od 1. 1. 2026 - 30. 6. 2026. godine.

3. Razmatranje i usvajanje Izvještaja o radu Kancelarije za pravnu pomoć Brčko distrikta BiH za period od 1. 1. 2026 - 30. 6. 2026. godine;

Direktor Kancelarije za pravnu pomoć Brčko distrikta BiH, g. Safet Pizović obrazložio je ukratko Izvještaj o radu Kancelarije za pravnu pomoć Brčko distrikta BiH za period od 1. 1. 2026 - 30. 6. 2026. godine.

Konstatuje se da je Komisija jednoglasno usvojila Izvještaj o radu Kancelarije za pravnu pomoć Brčko distrikta BiH za period od 1. 1. 2026 - 30. 6. 2026. godine.

4. Verifikacija Akcionog plana za otklanjanje nedostataka po Izvještaju o reviziji finansijskog poslovanja pravosuđa Brčko distrikta BiH za period od 1. 1 - 31. 12. 2025. godine;

Nakon uvodnog obrazloženja, konstatuje se da je Komisija jednoglasno izvršila verifikaciju Akcionog plana za otklanjanje nedostataka po Izvještaju o reviziji finansijskog poslovanja pravosuđa Brčko distrikta BiH za period od 1. 1 - 31. 12. 2025. godine, broj: SuPK-08-823/26-I od 21. 7. 2026. godine.

5. Usvajanje Smjernica za notare za primjenu pristupa zasnovanog na riziku u sprečavanju pranja novca i finansiranja terorističkih aktivnosti;

Nakon uvodnog obrazloženja Komisija je jednoglasno usvojila Smjernice za notare za primjenu pristupa zasnovanog na riziku u sprečavanju pranja novca i finansiranja terorističkih aktivnosti.

6. Utvrđivanje ažurirane liste reciprociteta za sticanje prava vlasništva na nekretninama na teritoriji Brčko distrikta BiH

Nakon uvodnog obrazloženja Komisija je jednoglasno utvrdila ažuriranu listu reciprociteta za sticanje prava vlasništva na nekretninama na teritoriji Brčko distrikta BiH. Takođe, zaključak Komisije jeste da se ostvari komunikacija sa nadležnim ministarstvom Republike Hrvatske, kako bi se položaj građana Distrikta doveo u ravnopravan položaj sa građanima entiteta, a u kontekstu sticanja nepokretnosti na teritoriji Republike Hrvatske.

7. Verifikacija Trogodišnjeg plana rada pravosuđa Brčko distrikta BiH za period 2027-2029, broj: SuPK-03-368/26-V od 29. 7. 2026. godine;

Konstatuje se da je Komisija jednoglasno izvršila verifikaciju Trogodišnjeg plana rada pravosuđa Brčko distrikta BiH za period 2027-2029, broj: SuPK-03-368/26-V od 29. 7. 2026. godine.

8. Donošenje odluke o poništenju javnog konkursa za izbor policijskih službenika iz drugog policijskog organa u Bosni i Hercegovini radi zapošljavanja u Sudskoj policiji Brčko distrikta BiH, broj: SuPK-01-611/26-I od 8. 5. 2026. godine

Nakon obrazloženja, konstatuje se da je Komisija jednoglasno donijela sljedeću

Odluku

o poništenju javnog konkursa broj: SuPK-01-611/26-I od 8. 5. 2026. godine

Član 1

Poništava se javni konkurs za popunjavanje upražnjenih radnih mjesta u pravosuđu Brčko distrikta BiH, broj: SuPK-01-611/26-I od 8. 5. 2026. godine, raspisan od strane Pravosudne komisije Brčko distrikta BiH, u dijelu koji se odnosi na poziciju:

1. Sudski policajac u Sudskoj policiji Brčko distrikta BiH (na neodređeno vrijeme)
..... 2 (dva) izvršioca

Član 2

Javni konkurs za poziciju iz člana 1 ove Odluke, poništava se iz razloga što niko od kandidata ne ispunjava uslove propisane internim oglasom, odnosno javnim konkursom propisano članom 35 stav (1) tačka b) Zakona o službenicima i namještenicima u pravosuđu Brčko distrikta BiH.

Član 3

Ova Odluka stupa na snagu danom donošenja i bit će objavljena na internet stranici Pravosudne komisije i oglasnim tablama pravosudnih institucija Brčko distrikta BiH.

9. Donošenje odluke o raspisivanju javnog konkursa za izbor policijskih službenika iz drugog policijskog organa u Bosni i Hercegovini radi zapošljavanja u Sudskoj policiji Brčko distrikta BiH

Nakon obrazloženja, konstatuje se da je Komisija jednoglasno donijela sljedeću

Odluku o raspisivanju javnog konkursa
za izbor policijskih službenika iz drugog policijskog organa u Bosni i Hercegovini
radi zapošljavanja u Sudskoj policiji Brčko distrikta BiH

1. Sudski policajac u Sudskoj policiji Brčko distrikta BiH (na neodređeno vrijeme)
..... 4 (četiri) izvršioca

Prijave na javni konkurs se podnose od 12. 8. 2026. godine do 26. 8. 2026. godine.

10. Donošenje odluke o raspisivanju javnog poziva za prijem volontera u pravosudne institucije Brčko distrikta BiH

Nakon obrazloženja, konstatuje se da je Komisija jednoglasno donijela sljedeću

Odluku
o raspisivanju javnog poziva za prijem volontera u pravosudne institucije Brčko distrikta
BiH

1. Apelacioni sud Brčko distrikta BiH 2 (dva) volontera
2. Osnovni sud Brčko distrikta BiH 5 (pet) volontera

Prijave na javni poziv podnose se od 12. 8. 2026. godine do 26. 8. 2026. godine.

11. Verifikacija rješenja o prestanku radnog odnosa Miloradu Petroviću, sudskom policajcu u Sudskoj policiji Brčko distrikta BiH

Konstatuje se da je Komisija jednoglasno izvršila verifikaciju rješenja o prestanku radnog odnosa Miloradu Petroviću, sudskom policajcu u Sudskoj policiji Brčko distrikta BiH, kojim mu prestaje radni odnos u Sudskoj policiji Brčko distrikta BiH, zaključno sa 20. 7. 2026. godine, radi odlaska u starosnu penziju, broj: SuPK-01-838/26-I od 20. 7. 2026. godine.

12. Verifikacija rješenja o prestanku radnog odnosa Ademu Peljti, sudskom policajcu u Sudskoj policiji Brčko distrikta BiH

Konstatuje se da je Komisija jednoglasno izvršila verifikaciju rješenja o prestanku radnog odnosa Ademu Peljti, sudskom policajcu u Sudskoj policiji Brčko distrikta BiH, kojim mu prestaje radni odnos u Sudskoj policiji Brčko distrikta BiH, zaključno sa 26. 7. 2026. godine, radi odlaska u starosnu penziju, broj: SuPK-01-863/26-I od 26. 7. 2026. godine.

13. Donošenje rješenja o prestanku radnog odnosa na određeno vrijeme Jeleni Milovanović, zbog isteka vremena od dvije godine

Konstatuje se da je Komisija jednoglasno donijela rješenje kojim Jeleni Milovanović, stručnom saradniku za poslove upravljanja privremeno oduzetom imovinom u Pravosudnoj komisiji Brčko distrikta BiH, radni odnos zasnovan na određeno vrijeme, radi zamjene odsutnog službenika, prestaje zaključno sa danom 20. 8. 2026. godine, zbog isteka vremena od dvije godine.

14. Donošenje odluke o imenovanju stručnog saradnika za poslove upravljanja privremeno oduzetom imovinom u Pravosudnoj komisiji Brčko distrikta BiH, na određeno vrijeme

Konstatuje se da je Komisija jednoglasno donijela sljedeću

Odluku
o imenovanju

I

Na radno mjesto „stručni saradnik za poslove upravljanja privremeno oduzetom imovinom“ u Pravosudnoj komisiji Brčko distrikta BiH imenuje se Jelena Milovanović, kći Čede, iz Brčkog, Brčko distrikt BiH.

II

Imenovana je dužna stupiti na rad dana 21. 8. 2026. godine, a stupanjem na rad zasniva radni odnos na određeno vrijeme, radi zamjene privremeno odsutnog službenika, ali ne duže od dvije godine, u Pravosudnoj komisiji Brčko distrikta BiH.

III

Stupanjem na rad imenovana se svrstava u VIII (osmi) platni razred, 4 (četvrti) podrazred, koeficijent 3,200154, osnovna plata u iznosu od 2.764,61 KM (dvijehiljadesedamstotinašezdesetčetiri i 61/100 konvertibilnih maraka).

15. Donošenje odluke o imenovanju stručnog u Pravobranilaštvu Brčko distrikta BiH, na neodređeno vrijeme

Konstatuje se da je Komisija jednoglasno donijela sljedeću

Odluku
o imenovanju

I

Na radno mjesto „stručni saradnik“ u Pravobranilaštvu Brčko distrikta BiH imenuje se Ana Veselčić, kći Ive, iz Brčkog, Brčko distrikt BiH.

II

Imenovana je dužna stupiti na rad dana 17. 8. 2026. godine, a stupanjem na rad zasniva radni odnos na neodređeno vrijeme, u Pravobranilaštvu Brčko distrikta BiH.

III

Stupanjem na rad imenovana se svrstava u VIII (osmi) platni razred, 4 (četvrti) podrazred, koeficijent 3,200154, osnovna plata u iznosu od 2.764,61 KM (dvijehiljadestamstotinašezdesetčetiri i 61/100 konvertibilnih maraka).

16. Rang lista sa preporukom za izbor referenta-operatera-asistenta u Osnovnom sudu Brčko distrikta BiH, na neodređeno vrijeme

Konstatuje se da je Pravosudna komisija primjenom odredbe člana 38 stav (3) Zakona o službenicima i namještenicima u pravosuđu Brčko distrikta BiH, odnosno odredbe člana 20 Statuta Brčko distrikta BiH izabrala četvrtorangiranog kandidata sa liste, Eldinu Karasuljić (po nacionalnosti Bošnjak), s obzirom da se na taj način u skladu sa zakonskim i statutarnim odredbama, prilikom izbora kandidata u pravosuđu, vodi računa o sastavu stanovništva u pogledu zapošljavanja. Imenovana je ostvarila ukupan broj bodova 226,3 boda.

17. Rang lista sa preporukom za izbor operatera-referenta zemljišno-knjižnih poslova u Osnovnom sudu Brčko distrikta BiH, na neodređeno vrijeme

Konstatuje se da je Pravosudna komisija jednoglasno potvrdila Rang listu sa preporukom za izbor operatera-referenta zemljišno-knjižnih poslova u Osnovnom sudu Brčko distrikta BiH, na neodređeno vrijeme, na kojoj je Tatjana Stević, Srbin, prvorangirani kandidat, sa ostvarenih 247,8 bodova.

18. Rang lista sa preporukom za izbor pripravnika u Osnovnom sudu Brčko distrikta BiH, na određeno vrijeme

Konstatuje se da je Pravosudna komisija jednoglasno potvrdila Rang listu sa preporukom za izbor pripravnika u Osnovnom sudu Brčko distrikta BiH, na određeno vrijeme, na kojoj je Stefan Gojaković, Srbin, prvorangirani kandidat, sa ostvarenih 257,1 bodova.

19. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH;

Nakon uvodnog obrazloženja, Komisija je jednoglasno donijela sljedeću

Odluku o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH

1. Direktor Kancelarije za pravnu pomoć Brčko distrikta BiH (na određeno vrijeme – mandat od četiri godine) 1 (jedan) izvršilac

Prijave na javni konkurs podnose se od 12. 8. 2026. godine do 26. 8. 2026. godine.

20. Donošenje odluke o isplati naknade Disciplinskoj komisiji i zapisničaru za rad u mjesecu junu i julu 2026. godine;

Nakon obrazloženja, Komisija jednoglasno donosi sljedeće:

Odluku

o isplati naknade Disciplinskoj komisiji za provođenje disciplinskih postupaka protiv službenika i namještenika u pravosuđu Brčko distrikta BiH za mjesec jun 2026. godine.

Nalaže se finansijskoj službi Pravosudne komisije da iz sredstava osiguranih u Budžetu Brčko distrikta BiH na organizacionom kodu 12010001 Pravosudne komisije, ekonomski kod 611200 - Naknade troškova zaposlenih, izvrši isplatu naknade za rad:

- Jasminu Suljiću, predsjedniku Disciplinske komisije, iznos od 476,37 KM, za rad u junu mjesecu 2026. godine;
- Sanji Ilić Čerkezović, članu Disciplinske komisije, iznos od 476,37 KM, za rad u junu mjesecu 2026. godine;
- Dejanu Nišiću, članu Disciplinske komisije, iznos od 476,37 KM, za rad u junu mjesecu 2026. godine;
- Jeleni Milovanović, zapisničaru Disciplinske komisije, iznos od 142,91 KM, za rad u junu mjesecu 2026. godine,

i

Odluku

o isplati naknade Disciplinskoj komisiji za provođenje disciplinskih postupaka protiv službenika i namještenika u pravosuđu Brčko distrikta BiH za mjesec jul 2026. godine.

Nalaže se finansijskoj službi Pravosudne komisije da iz sredstava osiguranih u Budžetu Brčko distrikta BiH na organizacionom kodu 12010001 Pravosudne komisije, ekonomski kod 611200 - Naknade troškova zaposlenih, izvrši isplatu naknade za rad:

- Jasminu Suljiću, predsjedniku Disciplinske komisije, iznos od 238,18 KM, za rad u julu mjesecu 2026. godine;
- Sanji Ilić Čerkezović, članu Disciplinske komisije, iznos od 238,18 KM, za rad u julu mjesecu 2026. godine;
- Dejanu Nišiću, članu Disciplinske komisije, iznos od 238,18 KM, za rad u julu mjesecu 2026. godine.

21. Zahtjev za postizanje sporazuma o postojanju štete te vrsti i visini naknade štete E. S.

Nakon obrazloženja, Komisija jednoglasno donosi sljedeću:

Odluku

Odbija se zahtjev E. S. iz Brčkog, zastupanog po punomoćniku advokatu Marku Simikiću iz Bijeljine, od 19. 5. 2026. godine, za postizanje sporazuma o postojanju štete, te vrsti i visini naknade štete.

22. Donošenje rješenja o imenovanju Eldina Fazlovića za povjerenika osuđenom Š. F. i rješenja o raspoređivanju osuđenog Š. F. na radno mjesto „Asistent u logističko operativnim i humanitarno socijalnim aktivnostima“ u Crvenom krstu Brčko distrikta BiH;

Nakon obrazloženja, Komisija jednoglasno donosi sljedeće:

Rješenje

Eldin Fazlović imenuje se za povjerenika osuđenom Š. F. i nadziraće rad za opšte dobro na slobodi imenovanog u Crvenom krstu Brčko distrikta BiH.

Nakon toga Komisija donosi sljedeće:

Rješenje

Raspoređuje se osuđeno lice Š. F. na radno mjesto „Asistent u logističko operativnim i humanitarno socijalnim aktivnostima“ u Crvenom krstu Brčko distrikta BiH. Osuđeno lice će rad za opšte dobro na slobodi u trajanju od 45 (četrdesetpet) radnih dana obavljati u periodu od 11. 8. 2026. godine do 12. 10. 2026. godine.

23. Verifikacija akta Pravosudne komisije Brčko distrikta BiH, broj: SuPK-00-836/26-I od 27. 7. 2026. godine, kojim se daje saglasnosti na nacrt Smjernica za provedbu ciljanih finansijskih sankcija Vijeća bezbjednosti Ujedinjenih nacija povezanih sa finansiranjem terorizma i finansiranjem širenja oružja za masovno uništenje Ministarstva bezbjednosti Bosne i Hercegovine;

Konstatuje se da je Komisija jednoglasno izvršila verifikaciju akta Pravosudne komisije Brčko distrikta BiH, broj: SuPK-00-836/26-I od 27. 7. 2026. godine, kojim se daje saglasnosti na nacrt Smjernica za provedbu ciljanih finansijskih sankcija Vijeća bezbjednosti Ujedinjenih nacija povezanih sa finansiranjem terorizma i finansiranjem širenja oružja za masovno uništenje Ministarstva bezbjednosti Bosne i Hercegovine.

24. Razmatranje molbe za pomilovanje osuđenog R. S;

Nakon obrazloženja i provedne diskusije, Komisija jednoglasno daje prijedlog gradonačelniku Brčko distrikta BiH da se molba za pomilovanje osuđenog R. S. ne usvoji.

25. Razno

Sekretar Pravosudne komisije Brčko distrikta BiH upoznao je prisutne članove da je Komisija zaprimila dopis vršioca dužnosti visokog predstavnika, glavnog zamjenika visokog predstavnika i supervizora za Brčko distrikt BiH, gospodina Luisa J. Crishock-a, odnosno OHR/EUSR-a, u čijem prilogu su dostavljena izjašnjenja na komentare i sugestije koje je Pravosudna komisija ranije uputila u vezi sa nacrtom Zakona o državnim službenicima i namještenicima u institucijama Brčko distrikta BiH. Podsjećanja radi, predmetne komentare i sugestije sačinila je radna grupa formirana odlukom Pravosudne komisije, koju su činili sudija Apelacionog suda Brčko distrikta BiH, sudija Osnovnog suda Brčko distrikta BiH, direktor Kancelarije za pravnu pomoć Brčko distrikta BiH, pravobranilac Pravobranilaštva Brčko distrikta BiH, sekretar Tužilaštva Brčko distrikta BiH i predstavnik Stručne službe Pravosudne komisije. U dostavljenom dopisu sadržana su izjašnjenja na ranije iznesene komentare i sugestije, koja se, u suštini, ne razlikuju od stavova i odgovora koji su prethodno izneseni u vezi sa predmetnim pitanjima. Nakon razmatranja navedene informacije, Komisija je zaključila da Stručna služba Pravosudne komisije treba kontinuirano pratiti dalji tok aktivnosti u vezi sa predmetnim zakonom, a naročito način i proceduru njegovog upućivanja u skupštinsku proceduru, te o svim relevantnim promjenama

blagovremeno obavještavati Pravosudnu komisiju, kako bi Komisija, prema potrebi, mogla pravovremeno reagovati i preduzeti odgovarajuće aktivnosti.

Kako se više niko nije javio za riječ, konstatuje se da je 282. redovna sjednica Pravosudne komisije završena u 09.11 časova.

Zapisnik vodila
Olja Klašnić

Predsjednik
Pravosudne komisije
Safet Pizović